

Kërcimi nga aeroplani me parashutë

Fetaua Nuur ala el-Derb 12/252

Pyetje: A është e lejueshme ta rrezikojmë vetveten siç po shohim sot në disa sporte ekstreme, gjë që mund të çojë në vdekjen e atyre që merren me këto gjëra?

Përgjigje: Nuk është e lejueshme për një person ta rrezikojë jetën e vet me bërjen e gjërave në të cilat ekziston frika nga dëmi apo nga vdekja, sepse Allahu thotë:

« **Mos e vritni vetveten. Vërtet, Allahu është më i mëshirshmi ndaj jush** » [en-Nisa, 29]

Nëse Allahu e ka ndaluar këtë dhe ka thënë « **Mos e vritni vetveten** », atëherë çfarëdo që çon në vdekje apo që shkakton dëm, po ashtu, është haram. Pejgamberi [salallahu alejhi ue selam] tha:

“Gjaku juaj, pasuria juaj dhe nderi juaj janë të shenjta për njëri-tjetrin”.

Mu siç s’është e lejueshme për një person t’i bëjë zullum personit tjetër, ashtu s’është e lejueshme që ai t’i bëjë zullum vetvetes duke u ekspozuar ndaj asaj që mund të shkaktojë vdekje apo ndonjë dëmtim.